

慶元條法事類

捌

慶元條法事類卷第四十七

賦役門

一

拘催稅租

勅令格申明

勅

戶婚勅

諸稅租州輒差官吏下縣催督若縣未入未限或未經
科校輒差人下鄉者並杖一百

諸應納畸零殘欠稅租逐料起催前不行點檢保明申
州者官吏各杖一百

諸令佐催理稅租輒自下鄉若抑令人戶結甲者各杖
八十致公吏人因而乞取減犯人罪三等罪止杖

一百故縱與同罪卽將帶停僭公吏人下鄉者徒二年

諸稅租起催前應給納數單子而不實不盡者杖一百
點對官失點檢減一等

諸人戶應輸納有期限而官司輒促其常限者徒一年
因致逃亡者加一等

賦役令

諸稅租法

提點刑獄司同

監司於催科前委知州通判責令丞

舉行依限催納俟限滿察其勤惰以優劣申監司

足而不擾爲優省額足而簿內有欠者非有欠最多者爲劣下條准此

類聚同行審

察歲取一二處保明以聞

諸知州罷任監司考察任內催科稅租勤惰限次年正月終以優劣保明以聞有故未奏聽展限一月在任不及半年不考

諸災傷倚閣稅租者至豐熟日隨夏秋每料催納二分
各以本戶本科所
閣正稅分數爲率願並納者聽其料數未足又遇
災傷者權停催理

諸人戶開耕蠟地種成苗稼者令佐親詣驗實標立頃畝四至取鄉例立定稅租以五分爲額仍免厝料
催科

諸田應起納稅租及免催科料次者各以授田月爲限
陸在三月終水田在四月終以前者自當年秋料

爲始在九月終以前者自次年夏料爲始

諸稅租起輸納畢日限每料轉運司前期行下依元限

月日分三限

日數不等者先從多限內有閏者晚輸早畢各十五日

災傷放

免不盡者限外展三十日所展月日亦通分爲三

限

餘應展限准此

起輸限內五日一次州輪知州通判縣

輪令佐詣倉點檢

諸稅租縣於起催前兩月眞書開具每戶應納數單子

折變者具折變實數送納處所令佐分定鄉村案

簿點對畢付催稅人給散納戶如輒有增減及於

數外科敷許人戶越訴

諸以有力爲孤貧者已納稅租沒官積年雖多理五年

止

諸坊郭戶稅租差手力催納

職制令

諸稅租出違省限州選本縣官一員拘催

格

雜格

諸州催納二稅日限

夏稅

開封府京東路州軍

京西河南淮寧潁昌府鄭汝孟滑等州

淮南宿亳蘄海通州漣水軍

河北大名開德信德

冀博濱棣懷衛洛磁

相潞州

陝西京兆鳳翔河中

同華秦隴耀丹環鳳

號解等州保安軍

河東隆德府澤潞絳州威勝軍

荆湖北路荆門軍

右以上並起五月十五日盡八月終

江南兩浙福建廣南東西荆湖南路川西路江

陵府鄂岳澧歸辰峽州常德府淮南無爲

軍

右以上並起五月十五盡八月十五日

河北真定中山慶源府雄霸瀛莫滄德祈保深
等州乾寧廣信安肅永靜信安保定永寧
等軍

河東平陽府慈隰等州平定軍

右以上並起五月十五日盡九月五日

京西襄陽順昌府鄧唐隨金房蔡郢均等州信
陽光化軍

京湖北路德安府復州漢陽軍

陝西商州

淮南壽春安慶府廬滁和濠泗楊楚泰光黃真
等州高郵軍

右以上並起五月一日盡八月十五日

河東太原府汾嵐憲麟府忻代石州寧化岢嵐

火山保德等軍交城監

河北順安軍

右以上並起五月二十五日盡九月十五日

陝西慶陽府原州起五月二十五日盡九月十

日

延安府汾寧涇渭階州起六月一日盡九月十

五日

成州起五月三十日盡九月十五日

坊鄜州起六月十五日盡九月終

秋稅

福建路州軍起十月十一日盡次年正月三十日

浙江荆湖南北路廣南東西路並起十月一日盡次年二月十五日

三京及京東京西河北河東淮南陝西川峽路州軍並起九月一日盡次年正月十五日
陝西河北河東京東西州軍等夏秋稅如支撥任邊上及三百里以外州軍送納者元限外更展十五日

一二稅起催納畢限內遇閏者前後展縮各半月其

日限除依前項外下項州軍更與展限在京委
開封府諸路委轉運司逐料先期檢舉施行

淮南路夏稅起五月十五日盡八月終秋稅起九
月十五日盡次年正月終

利州路夏秋各展限十日

慶陽延安府環原邠寧涇渭鄜州保安軍夏秋各

展限一月

熙河洮岷州通遠
軍依慶陽府例

登萊州夏秋各展限半月

申明

隨勅申明

戶婚

淳熙二年六月十一日

勅荆湖南路轉運副使李椿奏人戶請佃沒官戶
絕田產既召人承買訖卽是民田起理二稅輪納
沒錢又當差沒所有元佃租米自合蠲除奉

聖旨依餘路依此

淳熙六年五月十八日

勅鄉民於自己田土接連間曠磽确之地能施上
用力開墾成田園或未能自陳起立稅租爲人陳
首官司止合打量畝步參照其人契簿內元業等
則起立稅租俾之管紹不應引用盜耕種法奪而
予人

旁照法

名例申明

紹興十四年三月十七日

勅岷州改爲西和州及階城西和鳳州併屬利州路

受納稅租 勅令格式申明

勅

戶婚勅

諸納租稅輒法外增數者一升一束以上加本罪一等
輒他用者又加一等盜用以自盜論許人戶經監
司越訴

諸人戶稅租應納數外輒收羨餘者杖八十

諸押令人戶賣耕牛或耕稼之具納稅租及令公人代輸者杖一百

諸應合鈔送納畸零稅租不逐戶印給已納憑由者杖一百公吏乞覓計贓以枉法論

諸銷稅租簿吏人書手受縣鈔或取到監住鈔而不卽時勾銷致毀失者雖會恩仍勒停

諸縣受人戶已納稅租鈔和預買紬絹錢物之類同不依限對簿未

銷者杖一百吏人仍勒停其人戶自贖戶鈔或憑由出官不爲照使押令重疊輸納者以違制論委知通檢察知情容庇者與同罪並許人戶經監司

越訴

諸州縣輒預借人戶稅租

和預買紬絹錢物同

徒一年若公吏於

人戶處私輒借者准盜論五十匹配本城仍許被

借人戶越訴

廩庫勅

諸受納稅草輒於耗外令人戶輪納者杖八十許人告

諸官司田宅諫稅輒令公人代納者杖八十

諸倉庫受納鄉村人戶錢物監專無故留滯納人經宿

者徒二年

令

倉庫令

諸受納稅租一斛如一升舊例不加處依舊蒿草十束加一束

爲耗

支盡有欠者聽耗內除二分

卽折變爲見錢者其耗不計

諸受納苗米輒將帶人從入倉許人戶越訴

諸正稅絲綿收官耗及稱耗共一分舊不收者仍舊

諸稅租只得於指定處送納卽錢布帛絲綿無指定處

者許就本州縣納

和預買物帛准此

其應納地理腳錢者

別厯收支官司遇起催前期錄法榜示卽不依元

指定處而已納者勒元犯并知情干繫人運赴應

納處

諸應輸布帛

綾羅之類同

紬戶親題姓名書押兩頭官用印

記若充上供者本州書受納監專姓名和買物仍

注買時年月知通審驗起發如及省樣不得非理
退換

諸受納官物團印

倉庫各別爲樣

長印梢印州縣長官監造起

納日以印樣繳送銷簿官司對鈔比驗至納畢長

官監毀印公吏於鈔內輒置私記

謂入門私勘同之類阻節

受乞錢物者許人戶越訴

諸輸官物用鈔四縣鈔付縣戶鈔給人戶

官輸者具官鈔

監鈔

付監官住鈔留本司每鈔用長印日印其扣頭并

縣戶官鈔各監官親用團印

總納五萬石匹縣戶官鈔仍各用銅未記

賦役令

諸稅租鈔倉庫封送縣令佐即日監勒分授鄉書手各